

Broj: 03-11-648-3/2020
Sarajevo, 28.08.2020. godine

PARLAMENT FEDERACIJE
BOSNE I HERCEGOVINE

- Predstavnički - Zastupnički dom
gosp. Mirsad Zaimović, predsjedavajući

- Dom naroda
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
**PARLAMENT FEDERACIJI
SARAJEVO**

Prihvaćeno: 31-08-2020

Org. jed.	Broj	Priloga	Vrijednost
01,02	- 11-	1490/20	

15x

Poštovani,

Na osnovu člana 30. stav (2) Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, br. 86/07, 24/09 i 44/10), radi informiranja, dostavljam **IZVJEŠTAJ O ZADUŽENJU FEDERACIJE BOSNE I HERCEGOVINE PO OSNOVU EMISIJE OBVEZNICA (Aukcija 14.07.2020. - 6Y)**, koji je usvojila Vlada Federacije Bosne i Hercegovine na 233. sjednici, održanoj 28.08.2020. godine.

U prilogu dostavljam i Zaključak Vlade Federacije Bosne i Hercegovine o usvajanju predmetnog izvještaja.

S postovanjem,



Prilog: kao u tekstu

Cc: Federalno ministarstvo finansija -
Federalno ministarstvo financija
gđa Jelka Milićević, ministar

IZVJEŠTAJ
O ZADUŽENJU FEDERACIJE BOSNE I HERCEGOVINE
PO OSNOVU EMISIJE OBVEZNICA
(Aukcija 14.07.2020. - 6Y - 50 mil.-)

Budžetom Federacije Bosne i Hercegovine za 2020. godinu („Službene novine Federacije BiH”, broj 99/19), na poziciji Dugoročni krediti i zajmovi - Primici od dugoročnih obveznica, planirano je zaduženje u iznosu od 120.000.000,00 KM čija realizacija je planirana putem emisije obveznica.

Vlada Federacije Bosne i Hercegovine je, na 45. sjednici održanoj 05.04.2012. godine, donijela Odluku o uslovima i procedurama emisije obveznica Federacije Bosne i Hercegovine („Službene novine Federacije BiH broj”, broj 31/12). Tačkom III stav 1. naprijed navedene odluke propisano je da se emisija obveznica Federacije vrši prema dinamici, obimu, uslovima i na način utvrđen odlukom o emisiji iz tačke II stav 1. iste odluke koju donosi Vlada Federacije Bosne i Hercegovine.

U vezi sa naprijed navedenim Vlada Federacije Bosne i Hercegovine je, na 225. sjednici održanoj 10.06.2020. godine, donijela Odluku o zaduženju Federacije Bosne i Hercegovine putem emisije obveznica (6Y) Federacije Bosne i Hercegovine („Službene novine Federacije BiH”, broj 39/20), putem koje se odobrava zaduženje Federacije Bosne i Hercegovine putem emisije obveznica radi prikupljanja sredstava za finansiranje izdataka utvrđenih Budžetom Federacije Bosne i Hercegovine za 2020. godinu u nominalnom iznosu od 50.000.000,00 KM sa rokom dospelja od 6 (šest) godina.

Dana 29.06.2020. godine objavljen je Javni poziv za učestvovanje u emisiji obveznica Federacije Bosne i Hercegovine putem aukcije na Sarajevskoj berzi-burzi vrijednosnih papira, kojim su pozvana sva zainteresovana fizička i pravna lica da učestvuju na aukciji obveznica Federacije Bosne i Hercegovine.

Aukcija obveznica Federacije Bosne i Hercegovine održana je 14.07.2020. godine, čime je Federacija Bosne i Hercegovine ponudila 50.000 obveznica nominalne vrijednosti 1.000,00 KM po obveznici, (što ukupno iznosi 50.000.000,00 KM), sa rokom dospelja od 6 (šest) godina, putem metoda aukcije sa formatom višestruke cijene.

Za vrijeme trajanja aukcije ukupno je pristiglo 36 ponuda za kupovinu 64.500 obveznica u ukupnom iznosu od 64.500.000,00 KM.

Prihvaćene su 23 ponude za kupovinu obveznica putem kojih je prodano 50.000 obveznica ukupne nominalne vrijednosti 50.000.000,00 KM, što predstavlja 100% planiranog obima emisije.

Najviša prihvaćena cijena iznosila je 100,9358 uz kamatnu stopu 0,79% a najniža prihvaćena cijena iznosila je 97,4189 uz kamatnu stopu 1,40%. Obveznice su prodane po prosječnoj ponderisanoj prihvaćenoj cijeni od 99,9302 odnosno prosječno ponderisanoj kamatnoj stopi od 1,963% na godišnjem nivou.

Ukupan iznos prikupljenih sredstava putem emisije obveznica iznosi 49.965.123,00 KM.

Obveznice dospjevaju na naplatu 15.07.2026. godine.

Udio pojedinih sektora u ukupnom iznosu emisije iznosi:

Bankarski sektor	92%
Osiguravajuće kompanije	8%

Na dan poravnanja 15.07.2020. godine na osnovu izvršene emisije na Posebnom privremenom transakcijskom računu Federacije BiH otvorenom kod UniCredit bank d.d. Sarajevo broj: 338-690-224-967-9696, uplaćeno je 49.965.123,00 KM.

Imajući u vidu navedeno, Vlada Federacije Bosne i Hercegovine je, na 233. sjednici održanoj 28.08.2020. godine, donijela Zaključak o usvajanju Izvještaja o zaduženju Federacije Bosne i Hercegovine po osnovu emisije obveznica na dan 14.07.2026. godine, koji se u prilogu dostavlja.

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 233. sjednici održanoj 28.08.2020. godine, d o n o s i

ZAKLJUČAK

1. Usvaja se Izvještaj o zaduženju Federacije Bosne i Hercegovine po osnovu emisije obveznica na dan 14.07.2020. godine.
2. Vlada Federacije Bosne i Hercegovine obavijestit će Parlament Federacije Bosne i Hercegovine o Izvještaju iz tačke 1. ovog zaključka.
3. Ovaj zaključak stupa na snagu danom donošenja.

V. broj: M16 /2020
28.08.2020. godine
Sarajevo

